

Oktòb 2011

konferans jeneral

Preparasyon nan Prètriz la “Mwen bezwen èd nou”

prètriz

travay

sèvis

devwa

préparasyon

konferans jeneral

Preparasyon nan Prètriz la “Mwen bezwen èd nou”

Pa Prezidan Henry B.Eyring

Premye Konseye nan Premye Prezidans lan

Pa enkyete nou paske nou manke eksperyans , men panse ak sa nou kapab devni,  
avèk èd Senyè a.

Chè frè m yo, se yon lajwa pou mwen pou m patisipe avèk nou nan reyinyon  
mondyal sa a, reyinyon Prètriz Bondye a. Aswè a m pral pale sou préparasyon nan  
prètriz la, pwòp préparasyon pa nou ak préparasyon n ap ede akonpli pou lòt  
moun.

Pifò nan nou dwe ap mande tèt nou pafwa: “Èske m prepare pou tach sa a nan Prètriz la?” M ap reponn nou: “Wi, nou prepare.” Objektif mwen jodia se pou ede nou pran konsyans preparasyon sa a ak jwenn kouraj nan li.

Jan nou konnen, Prètriz Aawon an deziyen kòm yon pretriz preparatwa. Gwo majorite detantè Prètriz Aawon yo se jèn dyak, enstriktè, ak prêt ant 12 ak 19 an laj.

Nou gen dwa panse ke preparasyon nan prètriz la ap fèt pandan ane n ap pase nan Prètriz Aawon an. Men Papa nou ki nan syèl la ap prepare nou depi epòk li te anseye nou chita sou janm ni nan wayòm ni an anvan nou te fèt. L ap prepare nou aswè a. E l ap kontinye prepare nou osi lontan nou vle kite l fè sa.

Objektif tout preparasyon prètriz yo, nan lavi premòtèl la ak nan lavi sa a, se pou ekipe, nou menm ak moun n ap sèvi pou li yo, pou lavi etènèl. Pami premye lesон nan lavi premòtèl la, siman te gen plan sali a, avèk Jezikri ak Ekspyasyon Li a nan sant li. Non sèlman yo te anseye nou plan an men, nou te patisipe nan konsèy kote nou te chwazi l la tou.

Palefèt ke yo te plase yon vwal oubli sou lespri nou nan nesans nou, nou te oblige jwenn yon fason pou reaprann nan lavi sa a, sa nou te konnen ak defann otrefwa a. Yon pati nan preparasyon nou nan lavi sa a sete jwenn verite presye sa a pou nou ka apresa reyangaje nan li pa alyans. Sa te mande lafwa, imilite, ak kouraj bò kote pa nou osibyen ke èd nan men moun ki te jwenn verite a e ki apresa te pataje l avèk nou yo.

Sete petèt paran, misyonè, oswa zanmi. Men èd sa a te fè pati preparasyon nou. Preparasyon nou nan Prètriz la toujou enkli lòt moun ki déjà prepare pou ofri nou opòtinite pou aksepte levanjil la epi apresa chwazi pou respekte alyans pou ka fè levanjil la antre andedan fon kè nou. Pou nou kalifye pou lavi etènèl, fok sèvis nou nan lavi sa a enkli travay avèk tout kè nou, tout pouvwa nou, ak tout panse nou epi eseeye prepare lòt moun pou retounen al jwenn Bondye avèk nou.

Konsa yon pati nan preparasyon nan pretriz la nou pral genyen nan lavi sa a, se opòtinite pou sèvi ak anseye lòt moun yo. Sa ka vle di pou nou se enstriktè nan legliz la, papa saj ak eman, manm yon kowòm, ak misyonè pou Senyè Jezikri. Senyè a ap banou okazyon yo, men sa pral depann de nou pou prepare tèt nou ou non. Entansyon m aswè a, se pou montre nou kèk nan chwa desizif ki nesesè pou nou reyisi preparasyon nou nan prètriz sa a.

Pou moun k ap bay fòmasyon an ak moun k ap fòme a fè bon chwa, sa depann sou kijan yo konprann fason Senyè a prepare sèvitè l yo nan Prètriz la.

Premyèman, li aple moun, jèn ak granmoun, ki, nan je mond lan, e menm nan pwòp je pa yo, ka parèt fèb ak senp. Senyè a kapab chanje feblès aparan sa yo fè yo vin tounen pwen fò. Sa ap chanje fason dirijan saj la chwazi kimoun pou 1 fòme ak kijan pou 1 fè fòmasyon an. Epi sa ka chanje fason detantè prètriz la reyaji devan okazyon pou pwogrese yo ofri l yo.

An konsidere kèk egzanp. Mwen te yon prêt san eksperyans, nan yon gwo pawas. Yon Dimanch aprèmidi, evèk mwen te rele m nan telefòn. Lè m te reponn, li te di: “Èske w gen tan pou sòti avèk mwen? Mwen bezwen èd ou?” Li te sèlman eksplike ke l te bezwen m akonpaye li pou al vizite yon madam mwen pa t konnen, ki pa t gen manje e ki te bezwen aprann kijan pou 1 pi byen jere lajan li.

Mwen te konnen li te gen de konseye plen eksperyans nan episkopa l la. Sete de gason plen matirite ak gwo eksperyans. Youn nan konseye yo sete pwopriyetè yon gwo antrepriz, ki nan apre te vin yon prezidan ak yon Otorite Jeneral. Lòt konseye a sete yon gwo jij nan vil la.

Mwen te fèk aple kòm premye asistan evèk la nan kowòm prêt yo. Li te konnen ke m pa konprann anpil bagay sou prensip antrèd la. Mwen te konnen mwens toujou sou jestyon finans. Mwen po t ko menm ekri yon chèk, mwen pa t gen kont labank;

mwen pa t janm wè yon bidjè pèsonèl. Men, malgre mank eksperyans mwen, mwen te santi li te trè serye lè 1 te di: "Mwen bezwen èd ou" a.

Mwen te vin konprann sa evèk enspire sa a te gen nan tèt li. Li te wè nan mwen yon bèle opòtinite pou prepare yon detantè prètriz. Mwen sèten ke li pa t wè nan tigason san eksperyans sa a, yon fiti manm Episkopa Prezidan an. Men jou sa a, e tout lòt jou m te pase avèk li pandan dèzane yo, li te trete m kòm yon pwojè preparasyon ki te pwomèt.

Se kòmsi 1 te renmen sa, men sete travay sa te ye pou li. Lè nou te retounen lakay mwen apre nou te fin vizite vèv la ki te nan bezwen an, li te kanpe machin nan. Li te louvri liv ekriti ize anpil li a, ki te plen ekriti souliyen. Epi, li te korije m avèk byenveyans. Li te di m ke m te bezwen etidye ekriti yo ak aprann plis. Men siman 1 te wè ke m te enb ak senp ase pou moun ka anseye mwen. Rive jis jodia, mwen toujou sonje sa 1 te anseye m jou aprèmidi sa a. Men pi plis toujou, mwen raple m kijan li te konfyan k m te ka aprann ak amelyore---e m t ap vin amelyore.

Odela reyalite moun mwen te ye a, li te wè posiblite ki te chita andedan yon moun ki santi 1 fèb ak senp ase pou 1 vle èd Senyè a ak kwè ke 1 ap resevwa li.

Evèk yo, prezidan misyon yo, ak papa yo kapab chwazi pou aji sou posiblite sa yo. Mwen te wè sa resamman pandan yon prezidan kowòm dyak te rann temwayaj li. Li ta pral vin enstriktè e 1 ta pral kite manm kowòm li yo.

Li te temwaye, avèk gwo emosyon nan vwa li, ke bonte ak pouvwa manm kowòm li yo te grandi. Mwen pa t janm wè yon moun fè elòj yon òganizasyon osi bèle pase jan 1 te fè a. Li te felisite yo pou sèvis yo. Epi li te di ke 1 te konnen li te kapab ede nouvo dyak lè yo te santi yo depase, paske li te santi depase tou lè 1 te vin nan prètriz la.

Santiman feblès li yo te fè 1 vin pi pasyan, pi konpreyansif, epi konsa, pi byen kapab fòtifye ak sèvi lòt moun. Nan dezan 1 te pase nan Prètriz Aawon an, se

kòmsi li te vin akeri sajès ak eksperyans. Li te aprann ke sete souvni klè ak vivan pwòp bezwen pa l yo sa te gen dezan an ki te ede li kòm prezidan yon kowòm. Difilikte li demen kòm fiti dirijan, menmjan ak pa nou, se pral lè kite letan ak siksè efase kalite souvni sa yo.

Pòl dwe te wè danje sa a lakay Timote ki te jèn konpayon li nan Prètriz la. Li te enkourage li epi ba l enstriksyon nan preparasyon li nan Prètriz li ak sou fason pou l te ede Senyè a prepare lòt moun.

Koute sa Pòl te di Timote, jèn konpayon li:

“Pa kite pèsonn pase ou nan betiz paske ou twò jèn. Men, se pou ou tounen yon egzant pou moun ki kwè yo, nan pawòl, nan konvèrsasyon, nan charite, nan lespri, nan lafwa, nan pite.

“Jiskaske m vini, aplike ou nan lekti, nan egzòtasyon, nan doktrin nan.

“Pa neglige don ki andedan w lan, ke w te resevwa pa pwofesi, avèk enpozisyon men an ...

“Veye sou tèt ou, ak sou doktrin nan;<sup>1</sup> kontinye nan yo: paske w ap sove tèt ou, ansanm ak tout moun k ap koute w yo.”<sup>2</sup>

Pòl te bay konsèy sa a pou nou tout. Pa enkyete nou pou mank eksperyans nou, men panse ak sa nou ka devni, avèk èd Senyè a.

Ansèyman Pòl la egzòte nou pou nou aplike nan preparasyon nou nan prètriz la se pawòl Kris la; li egzòte nou pou kalifye nou pou n resevwa Sentespri a. Apresa nou kapab konnen sa Senyè a vle nou fè nan sèvis nou epi resevwa kouraj pou nou fè li, kèlkeswa difilikte n ap rankontre demen.

Y ap prepare nou pou sèvis nan prètriz ki pral vin pi difisil avèk letan. Pa egzanp, mis nou ak sèvo nou vyeyi menmjan avèk nou. Kapasite nou pou aprann ak sonje sa nou li yo pral diminye. Rann sèvis prètriz Senyè a mande nou an pral mande plis an plis disiplin tèt nou chak jou nan lavi nou. Nou kapab prepare pou eprèv sa a nan edifye lafwa nou atravè sèvis kontinyèl.

Senyè a ba nou posiblite pou prepare nou nan yon bagay li rele “sèman ak alyans prètriz [la].”<sup>3</sup>

Se yon alyans nou fè avèk Bondye pou respekte tout kòmandman L yo ak pou rann sèvis jan li t ap fè si li ta la pèsonèlman. Viv alawotè prensip sa a ap banou fòs espirityèl nou pral bezwen pou pèsevere jiskalafen an.

Gwo dirijan nan prètriz la te montre m kijan pou m te bati fòs sa a. Se pran abitid pou pèsevere malgre fatig ak laperèz ki fè nou anvizaje pou abandone a. Gwo gid espirityèl Senyè a te montre m ke andirans espirityèl soti nan travay depase pwen kote lòt moun t ap deja abandone a.

Gwo dirijan nan prètriz la ki bati fòs espirityèl sa a nan jenès yo toujou kontinye posede 1 lè fòs fizik yo febli.

Ti frè m nan te nan yon vwayaj biznis nan yon ti vil nan Utah. Li te resevwa apèl telefòn Prezidan Spencer W. Kimball nan otèl la kote 1 te ye a. Sete byen ta nan aswè, apre sa ki te yon jounen travay difisil pou frè m nan, e siman pou Prezidan Kimball tou, ki te kòmanse konvèrsasyon an konsa. Li te di: “Mwen tande ou nan vil la. Mwen konnen li ta e siman ou nan kabann ... men, èske w ka ede mwen? Mwen bezwen w akonpaye m pou m al nan tout vil la pou gade kondisyon chapèl nou yo.” Frè m nan te akonpaye li jou swa sa a, san 1 pa t konn anyen sou antretyen chapèl ni okenn bagay sou yo, san 1 pa t konnen poukisa Prezidan Kimball te vle fè yon bagay konsa apre long jounen li ni poukisa li te bezwen èd.

Dèzane apre, mwen te resevwa yon apèl konsa byen ta yon jou swa nan yon otèl nan Japon. Lè sa a m sete nouvo Reprezantan Edikasyon pou Legliz la. Mwen te konnen Prezidan Gordon B. Hinckley te vini Japon pou yon tach epi li te desann nan menm otèl avèk mwen. Mwen te reponn telefòn nan ki te sonnen apèn mwen te fèk kouche sou kabann mwen pou m al dòmi, fatige paske m te fè tout sa m te panse m te gen fòs pou m te fè.

Prezidan Hinckley te mande nan yon vwa plezan: “Poukisa w ap dòmi alòske m ap li yon maniskri yo mande m pou m repase?” Konsa, mwen te leve e m t al travay, byenke m te konnen Prezidan Hinckley te pi byen kalifye pase m pou repase maniskri a. Men, li te fè m santi ke li te bezwen èd mwen.

Nan fen prèske chak reyinyon, Prezidan Thomas S. Monson, toujou mande sekretè Premye Prezidans lan: “Èske ajou avèk travay mwen?” Epi li toujou souri lè repons lan vini: “O, wi, Prezidan, ou ajou.” Souri satisfè Prezidan Monson nan voye yon mesaj ban mwen. Li fè m panse: “Èske gen yon bagay anplis mwen ta ka fè nan tach mwen?” Epi apresa mwen retounen nan biwo m al travay.

Gwo enstriktè montre m kijan pou m prepare pou respekte sèman ak alyans la lè tan ak laj ap vin rann sa difisil. Yo montre wen e yo anseye m kijan pou m discipline tèt mwen pou travay pi di pase m te panse m ta ka kapab pandan ke m ankò gen sante ak fòs la.

Mwen pa ka yon sèvitè pafè chak èdtan, men mwen ka eseye fè plis efò ke m panse m kapab fè. Gras avèk abitid sa a ki fòme byen bonè a, m ap prepare pou eprèv k ap vin apre yo. Ou menm avèk mwen kapab prepare nou pou n gen fòs pou respekte sèman ak alyans lan nan mitan eprèv ki p ap manke vini yo nan fen lavi a.

Mwen te wè sa nan yon reyinyon Komite Edikatif Legliz la. Prezidan Spencer W. Kimball lè sa a, te fin bay dèzane sèvis pandan ke l te pase anba yon seri pwoblèm sante ke sèl Jòb ta ka konprann. Li t ap prezide reyinyon an jou maten sa a.

Toudenkou, li te sispann pale. Li te afese nan chèz la. Je l te fèmen. Tèt li te tonbe sou pwaterin ni. Mwen te chita bò kote li. Èldè Holland te chita apre nou. Nou toulède te leve pou ede li. Nan mank eksperyans nou nan ka ijans, nou te deside pote li, toujou chita sou chèz la, nan biwo li ki te tou pre.

Nan moman gwo detrès sa a, li te anseye nou yon lesion. Avèk youn nan nou ap leve chak bò chèz la, nou te soti nan sal reyinyon an mache nan koulwa a biling administrasyon Legliz la. Li te louvri je l amwatye, toujou etoudi, epi l te di: “Silvouplè, fè atansyon. Pa blese do nou.” Lè nou te prèske rive nan pòt biwo l la, li te di: “Mwen santi m jennen paske mern entèwopn reyinyon an.” Kèk minit apre nou te rive nan biwo l la, san nou potko menm konnen ki pwoblèm li te genyen, li te gade nou epi l te di: “Èske nou pa panse nou bezwen retounen nan reyinyon an?”

Nou te kouri retounen, konesan ke Senyè a te bezwen nou te la. Depi nan anfans li, Prezidan Kimball, te konn pouse tèt li odela limit andirans li pou sèvi ak renmen Senyè a. Sete yon abitid ki te si entegre nan li ke li te la lè l te bezwen l. Li te prepare. Epi konsa li te kapab anseye ak montre nou kijan pou nou prepare pou respekte sèman ak alyans la, nan yon preparasyon konstan pandan tout ane yo, kote n ap fè apèl ak tout fòs nou nan tach ki ka parèt ti tach piti avèk ti konsekans.

Priyè mwen se pou nou ka kenbe alyans prètriz nou yo pou n ka kalifye, nou menm ak moun tout moun nou aple pou fòme yo, pou lavi etènèl. Mwen pwomèt nou ke si nou fè tout sa nou kapab, Bondye ap ogmante fòs nou ak sajès nou. L ap ba nou matirite. Mwen pwomèt nou ke moun nou fòme yo epi rete egzanp pou yo yo, ap fè louwanj pou non nou jan m fè jodia pou gwo enstriktè sa yo ke m te konnen yo.

Mwen temwaye ke Bondye Papa a vivan e li renmen nou. Li konnen nou. Li menm ak Pitit Gason resisite ak glorifye l la, Jezikri, te parèt devan yon tigason san eksperyans, Joseph Smith. Yo te konfyé li Retablisman plenitid levanjil la. Yo te ankouraje li lè l te bezwen sa. Yo te fè l santi reprimand plen lanmou lè l ap bese li

pou ka elve li. Yo te prepare li, e y ap prepare nou pou nou ka gen fòs pou kontinye travay pou laglwa selès la, ki se bi ak rezondèt tout sèvis nan prètriz la.

M ap kite nou avèk benediksyon mwen pou nou kapab rekonèt opòtinite mayifik Bondye ba nou yo lè rele nou ak prepare nou nan sèvis li ak sèvis lòt moun yo. Nan non dirijan ak enstriktè eman nou an, Jezikri, amèn.

## Nòt

1. Gade 2 Nefi 32:3–6.
2. 1 Timote 4:12–14, 16.
3. Doktrin ak Alyans 84:39.